



Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко“ Крыница.

Пренумерата в краю:  
 50 грошей місячно,  
 2.50 зл. полрочно,  
 5 зл. рочно.  
 В Америці: 1 дол. полрочно,  
 2 дол. рочно.  
 В Чехословакии:  
 3 кор. місячно, 15 кор. полрочно,  
 30 кор. рочно.  
 Конто чекове Нр. 404.155.

## Христос Раждаєт ся!

Святы вечер. Діти выбігают с хыж, штобы посметрїти, ци не видно где на небі звїзды, бо передом не можна сїдати до вечери. Аж нагло влітают они до хаты и весело кричат: „Мамо, мамо, уж видно звїзду на небі!“ На таты, як бы чародійскы слова начинат ся в хатї рух; вшиткы бігают, штобы як найскорше засїсти до вечери, бо то,—гварят—кто святу вечеру на час приготуєт, тот и в поли вшитко на час обробит.

Газда иде чим скорше с палятом и чесниом до стайні, штобы обділити ся с быдлятами хлібом-сольом, а потем приносит с хлопцами сноп овса, солому и сіно до хаты, газдыня zestелює стод сіном, накрыват чистым обрусом, всі молят ся и сїдают до стола. Перед вечером складают собі жедяна [и ділят ся преэфором, принесеном с церкви.

Комуж то на вспомин того вшиткого не ударит сильнійше сердце? На вспомин тот пригадує собі каждый часы своей неклопотливой молодости, часы дитинячи, коли [те так весело было в тот святы вечер. И стод накрытый сіном и чистым, сніжно-білым обру-

сом и свїчечка, вштремлена до пшеницы в білом горнятку и гарді украшена яличка с яркым світлом горїючих свїчок и мама и няньє, браги и сестры, вшиткы такы поважны, а при том добры и веселы, як бы забыли и е податках и других клопотах и біді. Всяди в хатї так мило. Вшиткы сїдят спокойно, але не смутно, а мама приносят самы присмакы. По вечерї няньє встает перши, берут воскову свїчку со стола,—тоту што была в пшениці в горнятку, дуют ю—и вшиткы с запергым отдыхом смотрят, ци дым не иде до дверей, бо то означат смерть, же когеси е дому вынесут. А погодивше,—сїдают вшиткы и розносит ся по цілей хыжї слів коляд.

Рано, ище темно совсем на дворї, а уж людно на дорозї, бо люды горнут до церкви и поздоровляют ся словами: „Христос раждаєт ся!“ „Славите Его!“ отповідают другы. Вшиткы радостны, вшиткы веселы, але и поважны, бо вшиткы здают собі справу с того великого торжества, яке празднуют того дня, коли „Христос Раждаєт ся!“

и оспа, котры своим теплом огрївали сяте тіло маденкого Исуса. — Погодивше разом с хлопцами бере сноп овса, солому, а часом и сіно и входить до хаты со словами: „Помагай Бог на счастье, на здорově, на тот новы рок“. Его витат газдыня, ростелює солому и сіно накрыват стод и всі сїдают до вечери, при котрой має быти до пары, бо иначе може ктоси умерти.

У нас на Руси єст звычай приготуєт кути; єст то страва на Лемках мало знана, зроблена с отолченой в ступї и перевареной пшеницы, меду, вытертого в макутрї маку, орїхов, цукру и молока. Газда мече полну ложку кути до повалы и килько зернят пшеницы приліпит ся до повалы, тильке коп зерна збере с поля.

У нас хотячи заасекуревати ся перед волками и лшкками, газдыня кличе их через еяк до вечери и заклинат, же если не придут днеска, най николи не приходят. Тото єрєдство має помагати напевно.

По наших селах вірят также, же коли в першы день свят прийде першы гость хлоп, то корова уродит бычка, коли иде с доли до горы, то господарство подїеєт ся, а як иде долину, то господарство упаде.

Таксамо, если на святы вечер сут дерева покрыты ошадином, слїдуючы рок буде уреджайный.

Сут с тьма святыми звязаны также ворежбы погоды на цілы рок и много ріжных приповідок. (Рождество по водї—Ведидень по ледї и инши).

### Ламанец.

В другый, або треты день свят уряджуют собі хлопцы и дівчата ламанец. Назва походить от того, же уж кнчили ся вечеркы, на котрых молодеж сходила ся и разом пряла и тепер ламлют нуделї, Правда нуделї уж подамали собі на остатных вечерках, але тепер в часї свят еходят ся ище раз на гости ну. С таким ламанцом сут звязаны также ріжны пісні и звычай.

### Полазники и Колядники.

Давкїше газдыні при печеню хліба на свята выпекали маленкы хлібчыкы, котры называнє полазниками. Полазники тоты давано людям, котрых называно также полазниками. Таны полазники, звычайно полякы, ходили до наших селах в першы день свят и співали коляды. Тепер ходит штераз менше полазников, а на их місце вострїчає часто коляд-

## Рождественскы звычай.

Свято Рождества Христового єст святом родинным. На тот день сїзджат ся ціла родина, штобы засїсти до общего стола, при котром стары дідове смотрят с радєстьом на свои діти и внуны, котры цілюючи их стружмы, достейны руки, желают им вшиткого найліпшого.

С тьма святыми вяжут ся много звычай, котры сягают глубокой старины,—поганскых часов. Як відомо свята тоты припадают в том часї, коли то день перемагат ноч, світло поборює тьму, дня починаєт прибывати, а ночи мадіти. В том часї наши погаискы прапредкы обходили бара торжественно свято хорамїны вышного сонца, закончєтєя долгых ночей и пробуджєтєя природы. В тото свято палили предкы на герах стєєтєя дерева, а огонь сїгал аж гет в облакы. В святых гаях в честь сонечного божества складано кырвавы жертвы с быдлєт и кожей и подаркы с земельных плодєт. Найстарша полнєчєтєя легенда бесїдує с пламенным божку Балдури,

котрого имено в том часї убиват стрїлем слїпый Годур (божок зимы и тьмы), але галузь молодника (амелы) будит до нового житя сонечного Балдура.

И так як в поганскых часах в том часї витано побїду світла над тьмом и сонце, котре дає жите природї, так и тепер христьянствє витат радєстно сяту годину, коли Бог сходит на землю, штобы побїдити зло, и откупити на роды.

И на тоту памятку побїды сонца, перемогы добра над злом, галят и у нас в многих селах котры або солому вынесєтєя с хат.

Найбольше звычайєя звязано ся со святым вечером.

Газдыня перед подєнем вечери ворежит с угля, котре ножом укладат на припєцку, яны засївы (вчасны, сєредєтєя, поздытєя) удадут ся с слїдуючєм реці найліпше. Вшиткы [домашны мыют ся в зимной водї, найчастїйше в ріках и потоках. Газда иде с палятком до стайні и обділят хлібом скотину, — того вєла



ников, ходячих с вертелами и звездами. В последних часах ходят по садах члены наших читальни и зберают жертвы на читальни и бурсу. Звичай тот ест ладный и треба

его як найсильнйше поперати, бо ест он користный для нашего народного жита. Тому таких колядников належит щедро обдаровати и привітливо прийняти в каждой хаті.

## Рожество Христово в різних краях.

Што край, то обычай. И так:

### в Бельгии

внйшний вигляд міста ест совсем инакший як у нас. Коли у нас в свята еут закрыты вшитки skleпы, то там наоборот вшитки рестораны, кавярні, винярні еут отворены до поздней ночи, так як в каждый будный день. Така сама ріжниця ест в странах, котры ріжнят ся совсем от наших.

### в Німоччині

ест звычай пересылания собі перед святами подарков. Тот звычай ест также и у нас, але коли у нас треба добре призадумати ся, што кому купити, то там каждый купуе мале картонне лудяко, в котром ест на 15 цм. высоке штучке деревце со свічечками и блищачима забавками. В послїдство того зв-

чая нїт там ани одной хаты, в котрой не было бы украшеной личкы. Там звычай обдарованя в часі свят ест так сильно принятый, же аж и прислуга достае мале деревце и подарок, на котрый складают ся орїхы, сухы тісточка, велике барвне сердце, медовик и фартух.

Бара ладны звычай сут заяваны с Рождественскыма святами

### в Аргентині.

Там уж от полудня в Святый Вечер виходит с церковей процесия. На переді процесии несут зроблений вертеп с жолобком и Найсвятйшом Родном и при піснях обхедят цілу парохию и вертают до церкви поздно в ночи. Особенне ладно виглядат процесия при змерку, бо люды світят pochodні, котрых світло видно здалека.

## Горе Лемковщины.

Продолжене.

Исус Христос, як застал гандляров и банкиров в притворі ерусалимского храма, торгующих перед святом пасхи, розгнївал ся, екрутил бич из жотузка и розогнал не лем овцы, бараны и быкы, але также гандляров и банкиров,—а „вітець“ Шевчук хотіл цілу процесию вправадити до читальни, штобы розогнати ей членов и унеможливити товариську сходку.

И смутне же лем само явлене,—сам напад священника с процесием на читальню, бо остаточно и наймудрейший человек даколи зробит якуси дурницю, а што-ж доперва „вітець“ Шевчук, але ище смутнйше ест тоте, што „вітець“ Шевчук по килькох місяцах, коли мал час уж опритомнїти и те перед судом (а не перед епископом Коцьловскым) сровнивал свой напад с поступком Исуса Христа.

И не лем одного такого Шевчука маме и мали мы на Лемковщині. Было и ест их веце, а каждый праві с них воюе так долго, покля не стане перед воротами криминала и втотчас лем присїдат хвост.

Во главі их сам епископский визитатор О. Качмар из Злочкого (он уж бесїдуе тепер, же мы разсм маме жити, але прото скаржит людей о чем подаеме на другом місци—прим. ред.) котрый на жаден способ не хотіл стерпїти талергофского креста на цментері и разом с килькома збаламученыма бабами ставил оя против волі численвой массы лемков, котры сошли ся, штобы почтити оскверненный святотатеском руком крест.

И найспокойнйший медже нїх з лекаже фарбу, ноли натрафит на дашто руске. Так было с „вітцем“ Иваном Филясом с Лося. Здавало ся, же он умірований и спокойный, але [отпуст в Высеві открыл, што в нем сидит. А было так, же на тот славный отпуст мал прихати сам епископ Коцьловский и на его привитане побудовано триюфальных ворот. Вороты тоты прикрашено лем украинскыма сино-жолтыма прапорчыками. Але на біду украинскым „вітцям“ пришло на тот отпуст и килькох лосян. А же лосяны, то люды світовы и остроумны, так котрыси с них на ошере приготавили один прапорчик державный

и один [трехцвітный-русский и оба вткнул в тоты ворота на самом видном місци.

Уж за хвилию прихати украинский епископ, а ту всі „вітці“ увиділи, же щиро украинску сино-жолту фарбу псуе державна и руска. Коли люды доповіли, же тоту ласоту зробили лосяны, втотчас „вітець“ Филяс не стерпїл и штобы змыти тоту ганьбу, подскочил, сорвал оба прапорчыкы, шмарил на землю и придоптал ногами. С того вышла для „вітця“ Филяса баро велика біда, бо за поругане державного флага достал в суді 3 місяцы тюрьмы.

А уж коли мы при „отпусті“ в Высеві, те не треба поминуты и высевского „панвітця“ Дуду и его отпустов.

На Лемковщині мало міст отпустовых, а ище менше міст „чудесных“, бо люды перестают вірити в теперешны чуда. Але трафиле ся так, же якаси баба с Высевы, котра гандльовала кропком и другыма річами прео границу с Чехами, почала в селі розповідати байкы, же на горі близко чешской границы в кряках з'явиле ся ей світло, а в тем світлі Божя Матер. Звычайно старым бабам, котры любят попити кропку привиджуе ся хоц [што, особенно, як без позволеня лазит за границу и тремтит со страху перед стражниками. Де оповідань таких баб не привязуе никто мудрый и честный увагы.

Але „панвітець“ с Высевы знеухал интерес и подумал собі, же добре буде зробити оповідань бабы чудо, бо за чудом приде отпуст, а с отпуста капнут центы до кишени. И почл с бабом списевати протекел, як, где и што было и повояи баба сама повірила в чудо и плете, же виділа світле и Божу Матер. Біда лем была с тым, же баба за каждым разом показовала инше місце, где тоте чудо ся ея обявило, але повояи згодила ся и тепер уж знае напевно, где то было.

Скомбиноване такого чуда и отпуста лежало не лем в грешавом интересі „панвітця“, але и в политычном интересі цілой перемышльской епископеной консысторіе, бо творит оя оказия, где буде можна каждого року вправадити епископа и панвітца украинскы

прапоры на воротах и еклинати ціле збіго виско найзавзятйших „вітцов“, котры бы вышварили пару агитацийных проповідей, оловом есьо можна буде зробити на хвалу „веньки україни“.

И даремно противиди ся тому розважнйши священники аж и украинцы, котры не вірили в бабску бредню,—высевский „панвітець“ поставил на своем, пьяна баба проголосила чудо, парох тоте роздмухал и розренлямовал, а перемышльска консыстория проголосила „відпуст“ на котрый приїджат сам епископ Коцьловский. Парох Дуда будуе каплицу на горі, где пямой бабі привиділо ся світло, натурально на кредит, бо чому-ж и дугы не мають причинити ся до его бизнесу!? В загалі „вітець“ Дуда майстер в том, штобы натягати людей так для своих личных як и украинских цілей. Барз он скорый до интересу, лем не на свою кашезю. Переконали ся о том тоты, котры купили с ним разом автобус, (на котрый в сезоні „панвітець“ Дуда власноручно паковал жидовскы манаткы) бо они мусли дати за автобус грубы доллары, а „вітець“ Дуда был спольником и директором предприятия лем за солодки слова. Зрештом не одна сотка долларов и злотых пропадат людям и в украинском, высевском кооперативі, где „вітець“ Дуда ест директором. Оо, где лем знюхат даякый цент, ци то у вдовы, ци у сироты, вшитко выманит на кооператив, котрый вічно банкрутуе, з сконати на може лем тому, бо о. Дуда найде все свіжу жертву, у котрой выкрутит пару соток для ратованя того украинского мольсха. Але „панвітцеві“ там напевно нич не пропаде, бо сам нич не вложил.

Мают лемкы добрых опекунов и ест их досит по селах. Ест такой опекун и в Тихані (пов, ясельского) Выслужевый фельдбель украинской армии, отвітно до того сильный и выученый, воюе вічно кулаком и палком и тым способом старат ся навертати назад на унию тых, котры прийняли православну віру.

А кого уж не годен набити, того процесуе, за што попаде. Ци хлопка кура на его двор, ци хлоп (особенно православный) перейде через егомостьове поле хоцбы и не засіяне, ци хлопка живина заблудит на его грунт,—уж хлопа тягне до суда, робит и нищит людей судовыма коштами, бо знае же пре цент днеска тяжко.

И всі такы и им подобны украинскы „панвітці“ мают спасти Лемковщину от религиозного роздор и борб,—от поширивя сент и безвіря, бо епископ Коцьловский видит в них спасене Лемков. Помимо всіх скарг и жалоб, якы робил народ против того рода священникам, они остают на своих місцах и достают похвалы и кржлошавскы отличия, бо раз они украинцы, то им можна на национальных чувствах руского лемка поругати ся, им можна кпити собі со всіх засад християнской ыткы, им можна депривовати народну душу и защепляти в ню яд ненависти до всего што руске, бо такую мисию дал им епископ Коцьловский.

ПОМІЩАЙТЕ  
ОГОЛОШЕННЯ  
В ГАЗЕТІ „ЛЕМКО“.



## Як буде виглядати будуча війна?

Начальник генерального штаба Сполучених Штатів Америки Полочной высказал се, што в будучной войні будут ити бои не на багнеты, а на моторы. Побидит тот, кто буде мати больше и липших машин. Генеральны штабы, котры до тепер были в безопасности, будут в будучности выставлены на опасность по поведю развития альянции. В будучной войні буде хдяти передовсем о того, штобы мати машины, котры бы потрафилы дати дуже сильных ураганных стрілев. При конці однак бесідуе он, же материял людскый отограт рішаючу ролю.

## Арестовано шофера, котый выкрал ген. Кутепова.

Дня 26. січня 1930 р. в білий деръ на головной улиці Парижа впаковано насильно до автомобиля, російского генерала Кутепова, вывезено деси за Парыж и полиция до того часу не выкрыла што ся с ним стало. Аж тепер подают газеты, же арестовано шофера того автомобиля, котрым вывезено ген. Кутепова. Ест то француз называт ся Галь. Ест можливе, же тепер выкрые ся также тайня, што стало ся с выкраденым ген. Кутевым.

## Бои медже войсками советскыма и манджурскыма.

Английскы газеты подают, же на границі советско-манджурской, недалеко советской крѣпости Дунин пришло до боев медже войсками советскыма и манджурскыма. Отдѣлы войск манджурскых мали приготавливати напад на крѣпость Дунин. Над тереном боев передітают советскы аеропланы, котры слідят за движенем войск манджурскых.

## Каменев и Зиновиев арестованы и вывезены на Сибир.

Советске правительство Сталина має также оппозицие, во главі котрой стоил давнійше Троцкий, а тепер Каменев и Зиновиев. Оппозиция ест дост сильна и проявлят террористичну діяльність. Недавно член той оппозиции Николаев убил Кирова. Того убийство потягнуло за собом цілий ряд арестов и засудог смерти. В послідных днях Сталин завозвал до себе на Кремль Каменева и Зиновиева и вывезала ся медже ними остра, под години треваюча бесіда.

Колы по той бесіді Зиновиев и Каменев выходили с Кремля, их арестовано и вывезено на Сибир. Газеты подают, што Сталин заявил Зиновиеву и Каменеву, што не успокоит ся так долго, пока не загине послідный слід работы его противников. До того часу арестовано 153 и засуджено на кару смерти 103. людей. Процесс против Николаеву и его 13 товаришам отбуде ся ище перед святыми и сподівана ест дия вшиткых них кара смерти.

## Франция заключила договор с советском Росиом але не с коммунизмом.

Французская газета „Матин“ пишучи о политичном договорі медже Советами и Франциом заявлят, што Советы втягнуто до европейской политики не тому, штобы Франция почувала нагды симпатии до коммунизма, але тому, же Франция зрозуміла потребу сотворения сильного фронта против силі Німечтины. Тому то коммунистична діяльність мусит быти ограничена цілкомито до Росии, бо Франция зробила пакт с Советами, а не с партиом коммунистичном.

Если отже то порозумлене Францие с Советами має розвивати ся, то Советы мусят ся выречи большевистичной агитации во Францие, бо влччюм Францие може быти лем: „С советском Росиом, але николи с коммунизмом“!

## Выбух в подводной лодці.

Дня 24. грудня наступил выбух на одной подводной лодці. Убитый один подофицер и 9 людей залогы ренены. Причына выбуха незнана.

## Море заляло копальню.

53 горников японскых утѣпило ся.

В горном округі, недалеко Нагасаки в Японии, найдено новы поклады каменного угля, котры растягали ся под морским дном. Уголь почато выдобывати и роботники робили пед морским дном. Штольні копальні обезпечено, але обезпечене оказало ся недостаточне и вода начала протекати до копальні. Подмыте в одном місци склепине завалило ся и маса воды морской в коротком часі заляло копальню.

Роботники в числі 53. понесли страшну смерть в подземельных казематах.

В часі катастрофы спущано до копальні видном новых 15 роботников. На счастье на гері услышано их крик и вытягнуено винду.

## Перенаселене Польщі.

Місячний „Роботник Економиста“ помістил недавно интересну статистику Д-ра В. Дерерко. Автор подает, же село в Польщі має густійше населене, чим в других державах.

В Польщі на 100 гектаров управной землі жиє 79 господаров, а на 1 км. 2 припадат 84 люда. За выключением Египта и Индиніт нигде такого густого населения села. Найгустійше в Европі населены Бельгия и Голандия—для сельского господарства выкористуют лем 40—45 проце т рабочих рук. Дания занимат в сельских господарствах три раз меньше рабочих рук, як Польша, а Германия, Австрия, Чехослования и Венгрия 30—40 процент меньше роб. рук, як у нас.

Автор подает также интересны цифры доходности господарства и доказує, же число людей занятых при сельских господарствах совсем не увеличат доходов. Пряміры того подает автор, поровнюючи доходы господарств сельских в Голандия и в Польші и доходы в різних странах самой Польщі.

Найгустійше в Польщі населены сунт водства полудневы, отже Галичина, где на 100 гектаров число господарств выносит 74. В познанском и Поморском ест на 100 гектарах лем 26 господарств, а помимо того доходность ест значно вышша.

Наконец автор подает, же за послідне 10-літе число людей на селі ище увеличчло ся и треба конечно думать о эмиграции.

## Злоба и ненависть О. Качмара.

Перед вильконалцетоме роками село Шавники побудовало другий будынок школьный для выгоды дітей. Тепер по поведю редукции учительских сил тота друга школа стоить порожня.

Колы рускы люды в Шавнигу вччали будовати читальняный дом, то о. Качмар старал ся всіма силами перешкодити им, але безуспішно. Штобы однег не допустити до той читальні, заповіл он в церкви, што читальня буде містити ся в той другой школі, котра и так стоить порожня. Люды початково годили ся на того, але колы начальство громады зажадало статуты, то показало ся, же то сунт статуты „Просвіты“. Довідавши ся о том, же о. Качмар хоче заложити читальню Просвіты и помістити ю в громадском домі, котрый громада власным коштом дия школьной потребности выбудовала, начальство громады, заявило, же до того дому его не впусит и отвяла выгяды, а отворы забила дошками. Отец Качмар однак твердит, же дом ест его, хоц в часі, як люды дом будовали то о. Качмара ище в Злоцком и Шавнику не было и конечно хоче влізти до дому. Не знати на какой подставі васкаржил о. Качмар до Суду Семана Ланду, Евстафия Миланича, Васка Барновского и Дмитра Костика о отдаче му дому до ужитку. Ганьба вам згомость и встыд п сягати по чужду власность. Нераз мы чули, як вы голосили с казальницы, же горе тому, кто присвоєє чужду власность, ци вы забыли, як приказує десята Вожа заповідь. И то вы застурник Христа на землі, не можете жити без правованя ся с парохиянами. Вы, яко визытатор, мыслите, же те вшитко ваше?! Не пхайте носа, где сте не сіяли проса! Ганьба и встыд также и тым ливунам, котры идут свидчити, бо вмісто боронити громадского добра, они своим свидоцтвом помагают о. Качмару отобрати громадску власность. Дайте ему ваши хыжи, як хчете, а громадске добро было, ест и буде громадским добром.

Парохиянин.

**Остерегаеме наших читателей, што лем в нашой фирмі можна купити правдавы, черны, автоматичны бравнингы, усувлючи по стрілі гильзу. Бравнингы опатентованы фебр. знаком «Strzala». Всякы ниши розрекламованы бравнингы автоматично гильз не усувлют, они остает в люфі револьвера, откаль треба их усувати при помочи гвоздя.**

**ЧУДО ТЕХНИКИ — АВТОМАТИ** стрілят до ціли металловыма кулями або дробю до птахов. Оксидованы, плоский, гварантуєчий особисту безпеку. Стріль громовый. Ціна лем 7'95 зл. 2 шт. — 13'90 зл. 10-то стрільный—21'75 зл. 10-то кульок 3'65 зл. Люфочиску' дєязьме даром. Высыламе за посліплатом. Кошты несе выписуючий.



Адресовати: Centralne Przedstaw. na całą Polskę i na m. Gdansk «Strzala» Warszawa, Zamenhofs 12, oddz. 6. B. (Vita).





## Рух по наших селах.

Дня 23, грудня т. р. о год. 4. по полудни отбыло ся в Мушинці пов. Ново-сандецкого в чит. домі загальне собрание членов чит. им. Мих. Качковского.

В собранию взяло участь 36 членов на загальне число 70. Собрание открыл председатель читальні г-н Владислав Нестерак и огласил слідующий порядок наряд.

- 1) Открыть собрание и выбор президиума.
  - 2) Отчитане протокола с попередного собрания.
  - 3) Членство Староства в справі увековичения загального Собрания с дня 16. IX. 1934.
  - 4) Доклад выдѣла с діяльности и кассы за 1933 и 1934 рок и удѣлене абсолютории уст. выдѣлу.
  - 5) Впис нових членов.
  - 6) Выбер нового выдѣла и контрольной комиссии.
  - 7) Внесение членов и закрытие собрания.
- По вычерпаню порядка обряд Загальне Собрание ухвалило одноголосно посредством газеты „Лемко“ привѣтствовать широко Преподобный О. Д-ра Василия Масцюха по поводу назначения Лемковским Апостольским Администратором, а также принять административную „Лемко“ повѣдомити мушинчан с евентуальном Его приезді до Крыницы в дѣи вѣсти численней участи в Его принятию. Собрание закончено о год. 8-ой вечером.

**Сердечный привѣт нашому Владыці от села Ястрѣбик.**

Нынѣ торжествуйте  
Всі лемки—руснаки!  
Радуй ся со нами  
Ты Лемковска Мати!

Во святійший Отец  
Написал на прапор,  
Же Отец Василь Масцюх  
Ест наш Апостольский Администратор.

Отец Доктор Масцюх  
Все своей народ любил,  
Ним Он заботил ся,  
Для него ся трудил.

Руски—отец, мати  
Его выхвалили  
И своей русский народ  
Любят ти казали.

Нашому Владыці  
Будем помогати,  
О здравя и силы  
Господа благати.

Воида Духовного  
Витают в Вас діти.  
Жийте нам счастливо  
На многое літа!!!

Уложил: Ст. Н.

## Одержаны телеграммы и повѣдомления,

До Редакции газеты „Лемко“ в Крыниці.

Выдѣл Чит. им. М. Качковского в Мохначці Нижней высказуе свою радость и привѣтствует назначена Преподобный О. Д-ра В. Масцюха Апостольским Администратором Лемковщины.

Члены читальні заявляют, што в отрічі О. Д-ра Масцюха возмут численну участь. Мохн. нижн. 25. XII. 1934.

Слїдуе печатка и подписсы.

Выдѣл чит. им. М. Качковского в Тыпичи ухвалит одноголосно высказати свою радость и шире привѣтствует по поводу назначения

Преподобный О. Д-ра Вас. Масцюха Лемковским Апостольским Администратором. Слїдуют дата, печатка и подписсы.

Выдѣл чит. им. М. Качковского в Мохначці Выжней привѣтствует искренно и высказуе свою радость по поводу назначения

Преподобный О. Д-ра Вас. Масцюха Апостольским Администратором Лемковщины. Заявляет, што возме численну участь в отрічі О. Д-ра Масцюха.

По недостатку місца помѣстиме частично дальши депешы в слїдующем числі. Редакция.

На куре дырыгентов хора зголосили ся до того часу:

- |  |                             |
|--|-----------------------------|
| 1) г. Иван Хованец 27 літ                                  | Мушинка<br>в своей<br>комит |
| г. Стефан Адамович 29 „                                    |                             |
| г. Мария Кочанска 18 „                                     |                             |
| 2) Исидор Яценек—19 літ, Мохначка нижна на комит читальні. |                             |

## Комунікат.

На день 22, грудня назначено в селі Панина горлицкого повіта открыть чит. им. М. Качковского. Доперва в послїднем часі довідано ся, што на тот день припадат отсуєт в сусїдном селі Крива, на котрый звичайно пѣтнїкне масово ходят.

В виду того отложено термин открыты читальні им. М. Качковского и о новом термині донесе ся в „Лемку“.

Помѣщайте оголошения в газеті „Лемко“.

Кто хце прислужити ся нашей газеті, нехай зберат оголошения с міст и сел повітов Леско, Сяно, Кросно, Ясло, Горлицы и Новый Санч.

## Што чути в світі.

В Канаді скорый поїзд, котрый іхал с Чикаго до Гамильтон наїхал на туристичный поїзд с таким силом, же три ostatnich возы розбил цїлковито. Число убитых 16, раненых 30.

В Англич газеты проявляют радость по поводу оживленого торговельного руху и видят в нем конец кризиса. Кобы лем скоро и у нас!

Живый покойник в трумні. В Оломовцу на Моранах умер старец, котрого похоронили в родинной гробниці. Коли грабары стеснули оловяну плиту представил ся их очам страшный вид.

В гробниці были поставлены три трумны, с котрых одна упала с подставы и вбила ся помежде дві иши. Тонке дно трумны было перебито головом покойника, губы открыты, рука стискала корчово пальцы. Ясно ест, же был т. случай похороня митмо помершого, котрый збудил ся в гробниці и старал ся выдобрети на свободу. Мусил он отрашно терпѣти. Свидчат е том открыты губы и затиснены пальцы.


С Картуя-Вережы освобеджено дня 22, грудня 53 люда в виду чого ест там тепер уж лем пару особ.

В Крыниці-селі Параска Хорощак жила от долшого часу в невогді со своим сусїдом 70-літним Ваньом Фигльом. Раз слостерег Фигель, же куры Хорощакевой ходят по его загороді и начал их выганяти. На тотѣ пришла Хорощакова, вывлязла ся сварка—слово по слові, тай Хорощак хап за мотыгу и по Ваню, але то так сильно же переломила ему руку.

Суд засудил ю на 6 місяцов вязницы с отложенем кары на три roky.

## КРОНИКА КРЫНИЦКА.


В субботу 22. XII, приїхал до Крыницы През. Славек и замешкал в Дому Здравом. До Крыницы приїхал также заступник мии, внутр. діл Крыховский с женом и дочком, а поза ним бавит также в Крыниці вице-министрова Пестржинска и Пясецка.



## Найлїпши условия аскураційны

да с

Асек. Товариство  
ВИТА-КРАКОВСКІ  
во Львові.



Оно спомогат также и в товариства.

Информация удїлат редакция „Лемко“.

Комуніальна Каса Связности

в Крыниці

принимат вклады и платит высокий процент. Удїлат также пожечок на добрых условиях!